



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Alexander Rex Syriæ.

urn:nbn:de:hbz:466:1-11490

² mam vastasset, ¹ Moritur. Bacchides socio destitutus, ad
³ regem redit. Dein, post biennium rursus, Bacchides bel-
⁴ lum Judæis intulit: ² victus pacem petit. Quæ propositis
 conditionibus data, si ³ profugas captivosque, ⁴ & omnia bello ra-
⁵ pta, redderet. ⁵ Dum hæc intra Judæam geruntur, adolef-
 cens quidam Rhodi educatus, nomine ⁶ Alexander, ⁷ Antio-
 chi se esse filium dictitans, (⁸quod falsum erat) adjutus opi-
 bus

Voluit ergo Alcimus omne discrimen
 in templo inter Iudæos & Græcos tol-
 lere, in Græcorum, quibus turpiter ser-
 viebat, gratiam. *Grotius.*

¹ *Moritur.*] Anno Græcorum CLIII.
 qui fuit annus secundus Ionathæ. Er-
 rat igitur Iosephus, dum Alcimo mori-
 entem successisse dicit Iudam Macha-
 bæum. Nam is anno præcedenti CLII.
 occubuerat. Ergo nonnisi biennio Pon-
 tificatum scelestus Alcimus tenuit. *Horn.*

² *Victus pacem petit.*] Gorionides ad-
 dit Bacchidem à Ionatha captum, iuras-
 se omnia se, quæ ceperat in Judæa, red-
 diturum. Sed hoc falsum. Nam Iona-
 thas prior pacem petiit, & parum æquis
 conditionibus acceptavit. I Mach. IX.
 Ioseph. XI. 2. 2.

³ *Profugas captivosque.*] Captivi
 utrimque redditi fuerunt. De transfugis
 reddendis nulla mentio nec apud Iose-
 phum, nec in libris Machabæorum.
Drus.

⁴ *Et omnia bello capta.*] Falsum &
 hoc. Nam nec Ierosolymam, nec alias
 Judææ urbes petere ausus est. Hinc Io-
 nathas sedem suam in oppido Machmas
 posuit. *Ioseph.*

⁵ *Dum hæc intra Judæam geruntur.*] Anno Seleucidarum CLX. I Machabæo-
 rum cap. X. Iosephus lib. XII. cap. 3.

⁶ *Alexander.*] Alexander Balas, si-
 ve Bales. Iosepho dicitur Balles: aliis
 ὁ Βαλαῖ, id est, filius Balæ, quibusdam
 Veles. De hoc Appianus in Syriacis:
*Adversus Demetrium exortus est quidam
 Alexander, falso in Seleucidarum gentem
 sese inserens: quem Ptolemæus Ægypti rex
 forebat odio Demetrii, atque ita conve-
 nientibus Ægyptiis, Alexander Demetrium*

regno expulit. Qui postquam in exilio de-
 functus est, filius paterno nomine Deme-
 trius regnum recepit, & quia vicit alienum
 à sua familia, Nicatorem Syriæ cognominave-
 runt, ut secundum post Seleucum, à quo de-
 scenderunt reges Syriæ. Et Justinus lib. 35.
*Antiochenfes adjuvantibus Ptolemæo rege
 Ægypti, & Attalo rege Asia, & Ariar-
 rathe Cappadociæ, bello à Demetrio læssi-
 ti, subornant propalam quendam, fortis ex-
 tremæ juvenem, qui Syriæ regnum, velut
 paternum, armis repeteret, & ne quid con-
 tumeliæ deesset, nomen ei Alexandro indi-
 tur, genitusque ab Antiocho rege dicitur.
 Tantum odium Demetrii apud omnes erat,
 ut æmulo ejus non vires regie tantum, ve-
 rum etiam generis nobilitas, consensu om-
 nium, tribueretur. Vide & Livii Epit. 111.
 Lipsium Monit. & Exemp. Polit. II.
 Alexander hic Βαλαῖς, vel ὁ Βαλαῖς,
 Latinis Propala vel Prompalus dictus
 videtur. I. Capellus. Vide Iustinum 35.
 & ibi Commentatores.*

⁷ *Antiochi.*] Epiphanis. I Mach. 10.
 Ioseph. 13. 4. ex Bala Concubina. *Sa-
 lian.* Eupatoris. *Iyra. Carth. Adrichom.*
 Quod falsum: quia Eupator anno ata-
 tis XII. occisus.

⁸ *Quod falsum erat.*] Sic habes Pseu-
 do-Drusum. Tacit. 5. Aunal. Pseudo-
 Neronem. Suet. Pseudo-Ariarathen. *Val.
 Max.* 9. 16. Pseudo-Johannem. *Pachy-
 mer.* 111. 12. 13. & alios. Iosephus ta-
 men, & historia Machabæorum, nihil
 dubitant quin Antiochi Epiphanis fi-
 lius fuerit, XII. 4. Et scæpe, qui veri
 successores sunt, ab æmulis, præsertim
 victi, crimine tali onerantur, ac cum
 tempore mendacium gliscit. *Horn.*

bus Ptolemæi regis Alexandrini, in Syriam cum exercitu venit: ¹ Demetrium bello superatum occidit, cum regnasset ² annos XII. Hic Alexander, priusquam adversus Demetrium confingeret, ³ fedus cum Jonatha fecerat, eumque ⁴ veste purpurea & ⁵ insignibus regiis donaverat; ob quod eum Jonathas auxiliis juverat, victoque Demetrio, primus omnium congratulatum occurrerat. Neque postea Alexander datam fidem violavit. Ita ⁶ quinquennio, quo rerum ⁸ potitus est, ⁷ res Judæorum tranquillæ fuerunt. Igitur ⁸ Demetrii

1 Demetrium bello superatum occidit.] Iustinus: Totius ferme Orientis viribus succinctus, bellum Demetrio infert, viclumque, vita pariter ac regno spoliatur.

2 Annos XII.] Ἐτη βασιλεύσαντος αὐτοῦ. Ioseph. XIII. 5.

3 Fedus cum Jonathafecerat.] Primo Demetrius Ionathan in partes suas traxit. Deinde Alexander τῶν εὐβαλῶν τοῦ ἐπιδημησίου, καὶ ἀποδείξας ἰωνάθαν ἀρχιερέα, συμμαχεῖν ἐπέσειν αὐτῷ. Ioseph. XII. 5. Δεξάμενος δὲ τὸν ἐπιπάλω ὁ ἰωνάθης, ἐνδύετο μὲν τὸν δρχιερατικὸν φορῶν, καὶ σκηνοπηγίας ἐνστάσης, καὶ ἔτι τέσσαρα ἢ τὰ ἀδελφὸν αὐτῶν ἰδὼν ἀποθανεῖν. Vide I Macch. cap. 10. 18. & deinceps. Drus. Iuda mortuo quadriennium aut circiter transit sine Pontifice. Quo exacto, Ionathan qui in Principatum antea successerat, ab Alexandro postmodum Syriæ rege Pontifex etiam renuntiatus, more solenni sacris vestibus in Scenopegiæ festo est indutus; annuente etiam Demetrio Sotere, Syriæ tunc rege, & populo. Verba epistolæ seu diplomatis Alexandri ad Ionathanem, quo eum in partes suas pellexit, sunt: Ἐπεὶ ἔβλεψα σε σήμερον δρχιερέα καὶ ἰουδαίων. Accepta epistola Ionathan, ἐνδύετο μὲν τὸν δρχιερατικὸν φορῶν, καὶ σκηνοπηγίας ἐνστάσης καὶ ἔτι τέσσαρα ἢ τὰ ἀδελφὸν αὐτῶν ἰδὼν ἀποθανεῖν καὶ γὰρ ἐδὲ μὲν τὸν τὸν χρόνον ἀρχιερέως ἕως ἐπερὶ τὸν. Vide sis Iosephum lib. XII. cap. 5. Li-

brum Hasmonæorum cap. 10. 21. & Eusebium num. MDCCC LXXI. Non extat in Historia Sacra (sic observat ad Ionathanis initia magnus Scaliger in Canonibus lib. 3.) aliud exemplum tanti intervalli sine pontifice maximo. Nam summo sacerdote mortuo statim filius aut nepos aut frater jure successione, ad Pontificatum, nullo impediante aut controversiam movente veniebat. Selden.

4 Veste purpurea.] Qui amicis regum dari solebat, unde purpuratorum nomen. Ita Iosepho est φορῶν πορφύρεων. Drus. Mos ille Orientis, ut supra ostensum. Sic postea, cum nuptiæ apud Ptolemaidem inter Alexandrum & Cleopatram Ptolemæi filiam celebrarentur, Ionathan purpurea veste regibus assedit. Iosephus lib. XIII. cap. 7. Qui addit: Ἐστῶντι δὲ ἀπὸ τῆς ἰωνάθου ὁ βασιλεὺς Ἀλέξανδρος ἐρχόμενος, ὡσεὶ αὐτὸν καὶ παρῶν ἀναστρέψαι τὸν φίλων.

5 Insignibus regiis.] In eodem, καὶ στέφανον χρύσειον, & coronam auream. Ioseph. Frustra ergo Sigonius Sulpicium erroris accusat.

6 Quinquennium.] Alexander videlicet. Mox ait, cum regnasset annos quinque. Drus.

7 Res Judæorum tranquilla.] I Macch. cap. 9. 73. Ἐcessavit gladius ab Israël. Quod pro eo habendum ac si dixisset, res eorum tranquillæ fuerunt, sive quies eis fuit à bello. Idem.

8 Demetrii filius.] Historia postulat ut legamus,